

۱۸ رجب ۱۳۳۱

بازار ایرتسی

۱۰ حزیران ۱۳۲۹

عدد — ۵۰

امور اداره و تحریریه و اعلانات و ساژره
ایچون مدیر مسئوله مراجعت ایدملیدر.

عرفای امتك مقالات متصوفانه لرینه
جریده صوفیهك حیفه لری
آچبقدر .



شمذیلک هفته ده بر نشر اولنور

نسخه سی ۴۰ پاره در

ابونه سی : بر سنه لك اعتباریه ممالك
عثمانیه ایچون ۴۰ آتی آیلغی ۲۵ غروش
وممالك اجنبیه ایچون اون ابکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

اوله جقاری اجر و مثنویاتی مبشر در . وظائف عبودیه بی اجراده کی مزاحمه کانه : فرائض خمسة الیه دن بش وقت نمازی بلاریا . خالصاً لوجه الله برحب وجدانیله وقت مرهونده ادابه غیرت ابدہ رک قیشین صوغوق صو ایلہ آبدست آلمق . یاز کونلرنده اوروج طوترب صوسزلقه صبر اتمک کی افعال حسنه در .

تمایلات نفسانیین به نمرک معاصیدن صافتمق ایه . هر آدمک خرجی اولمابوب حظوظات نفسانیین اجرایه آماده بر فرست الله کچدیکی وقت (رأس الحکمة مخافة الله) حدیث شریفه امتثالاً عظمت ذوالجلالین نحاشی ایلہ غیر مشروع افعالی اجرایه سبیت و بره جک حالندن توفی ایدہ رک صبر اتمکدر . بو عالم فانی . انسانلر ایچون بردار امتحان اولمق مناسبیله جناب حقک - وکیل قوللاری - عندالله کندی درجه لرینه کوره - مدت حیاتلرنده اکثریت اعتباریله نیجه محن و مشاقه گرفتار اولدقلری وقوعات تاریخیه ایلہ مثبتدر . حتی : (ان البلاء مؤکل علی الایماء ثم علی الاولیاء فالامثل ثم الامثل) حدیث شریفی ده شو نکتهین بزه افهام ایدر .

بند۱ را ار سرر مینهد بند۲ را تاج سرر مینهد

خالق اعظم . کیمی قولنک تستره ایلہ باشنی کسدبرر . و کیمی قولنی ایه کوله ایکن مصره سلطان ایدر .

بری زکریا علیه السلام حقنده درکه . قوم بی اسرائیل طرفندن وجود مبارکلی . رأسندن بدأ ایلہ تستره ایلہ ایکی به بیچلمشدر .

و دیگریدی یوسف علیه السلام اولوب مشارالیه . اون بر قارداشک بغض و حسد لرینه اوغرایه رق قویوبه آیلدقدن بر مدت صوکره . برکاربان طرفندن مذکور قویودن چیقاریلوب مصره ملککنک خزینه دارینه براسیر کوله مقامنده صاتیامش ایدی . یوسف علیه السلامک حسن جالنه عاشق اولان خزینه دارک زوجه سی زلیخا خانون . برکون زینتلنرک شمعون قصرنده کی اوطه سندہ بالکترجه مشارالیه حضرتلرینی حضورینه دعوتله مبارک جالنه اولان مفتونیتی عرض ایلہ کندی نفسندن طاب ایلش ایدی . وقتاکه . بوطلب نامشروعی - رک او آندہ عظمت الهیه بی نخطر ایسندن متحصل خشیت خدا و کرک اجراسنه جسارت ایدہ جکی فعل مکروهک کندی ولی نعمته قارشی عین جنایت تشکیل ایدہ جکی بیلهرک حیای پیغمبری اقتضاسی - وجداننه صیقل برامایان حضرت یوسف . جارناچار رد ایتمه بله نهایت عکسنه اوله رق زندانه آتیامش . اون سنه بی متجاوز بر زمانده اوغروف . قراکای یوواده ایکنجی بر بلایه معروض قالدقدن صکره حکمدارک کورمش اولدقنی بر رؤیا تعبیرندن دولایی زنداندن قوریلهرق حضور ملکده فوق العاده التفاته مظهر اولمش . حتی افندیسی خزینه دارک وفاتی وقوع بولماسیله رینه یوسف علیه السلام . هم خزینه دار و همده حکمداره خلف اولمق اوزره ولی عهد آیین قلنمش ایدی . بر مدت صوکره حکمدارکده وفات ایتمی

حسبیه - حضرت یوسفک اقدیمه کورمش اولوب پدری یعقوب علیه السلامه تعبیر ایتمه بریدی رؤیای صادقه نک وقت مرهونی کلش اوله جق بالاستحقاق مصره سلطان اولور . و بوناچ دولتی کیمه سی ایه محضاً اقدیمه اوغرا دیبی بلیاته صبر و تحمل ایسنندن ایلر و کلشدر .

یاللز بوقدر می یا ا... فخر کائنات علیه الصلوۃ والسلام افندمن حضرتلری . زمان سعادتلرنده شرف نبوتله مبشر اولدقدن صکره کفار خا کسار طرفندن نیجه اذا وجفا و طمن و تشنیمه دوچار اولمشار . هم بی ابولهب ایلہ زوجه سی ام جمیل . مشرکین سفندن اولمشی اجلدن حضرت پیغمبره اولان عداوتلرینی بر درلو اظهاردن چکیمه کمترین رسالت پناه افندمنک . خانه سعادتلرندن مسجده صباح اشقام کیده جکی یوله . وجود مبارک لرینه باتارمه ق زخمدار اتمک ایچون خفیا دیکنلی چالیلر قورلار ایدی . (ثبت بدا ابی لهب و تب ... الخ) - ورده شریفه سی آثار حقنده بوسیدن نازل اولمشدر . مؤذنارک پیری حضرت بلال حبشی رضی الله عنه ایه . اقدیمه ظالم . غدار بر مشرکک انده اسیر برکوله ایکن قابنده کی نور ایمانک تجلیان من متحصل عشق و شوق ایلہ متصل (احد) اسم جلالی ذکر ایتمه کندن دولایی اوغدار افندیسنک امریله تحملک فوقنده نیجه اذیتلر کوردیکی حالده صبر ایدوب یه احد اسم شریفی ذکر ایتمکدن فارغ اولماز ایدی . نهایت او اسم جلیلک ذکر برکاتی حضرت ابوبکر الصدیق رضی الله عنه طرفندن ترجماً دینی و بریلوب صاتون آلدقدن صکره فی سبیل الله آزاد ایدمش . بعده رسول الله افندمن طرفندن کندیسنه مؤذنک وظیفه سی توجیه بیورلمش ایدی .

والحاصل بو محنتکام فاده . انبیای عظام و رسل کرام حضرتانی ایلہ اصحاب رسول الیهدن . اصحاب بدر . اصحاب احد . اصحاب حنین . اصحاب شید دشت کربلا تابعین . تبع تابعین . ائمه مجتهدین . قراء کاملین . مشایخ و اصلین رضوان الله تعالی علیهم اجمعین و نور الله مراقدهم حضرتاندن اکثریمی حق بولده نیجه بلیاته معروض قالمشدرکه . هر برلرینه عائد تفصیلات لازمین و بر دیگرمزه . سوزی اوزانوب صدک خارجه جیفه جعفرزدن بخشمزی بوقدرله اکثفا ایتمک .

محمد حلی

اسلامیت و خریستیانلق مناسبتیه :

(دین حقنده آداب مناظره)

۱ . اجتهاده غرضه سنک کچن هفته کی نسخه سندہ (اسلامیت و خریستیانلق) حقنده قانچ زاده حق امضالی مقالہ کی کوزدن کچرمش ایدم . مقالہ بی یازان ذات محترم . اسلامیتک علونتی تقدیماً مدافعه دینیده - مخاطبی اولان دو قورده قارشو - قصور ایتمش ایهده . موضوع بحثی صرف دلائل عقابیه و فقهیه استناد یوروتمه سی حسبیه عاجزلری . حقیقی برقاندھا

انكشاف ايتديرمك امانه اتباعاً بوبابده برقاچ -وز سوبلكدن منع نفس ايمده مدم .

مسئله ، حضرت مسيحك پدرسز دنياه گمليه كنديسك اصيل بر فامليايه عدم منسوبيتندن يوروتلش اولوب . — كيم بيار صاحب مقاله مخاطبي نه بولده سؤال ايتمش اولمالى كه - منقولات شرعيه يي هيچ نظر اعتباره آلامقميز فن طبك ارانه ايتمش اولدينى (رحم مادرده جنينك - ظهورى فعل الفاحك ، يعنى : حوييات منيهك مشيمه يه دخولنه وابسته در :) نظريه سنه قاپيله رق ، شو نقطه نظر دن ايضاحانه كيريشد كدن صوكره نتيجه ده ، حاشا حضرت مسيحك فحشنه حكيم ايديله رك عيسى عليه السلامك پيچ اولماسى لازم كير . طرزنده جواب ويرلش ، كچه صاحب مقاله ، مخاطبينك سؤالنه فارشى فنا بوله اولقى لازم كير ديك ايسنه مشيمه ده ، چه فائده كه ، بر پيغمبر ذيشك حائز بولدينى صفت نبوتله قابل قياس اولمايوب آنك قدر وحيتتى نقيصه دار ايدن (پچاك) تعبير عاميانه سنى سيله جك منقولات شرعيه دن كيريشمك لازم كير كرن هر نصله اونوتلش ، چونكه : دين بحثنده مناظره يه كيرلديكى زمان ، آداب لسانيه اولقدر دقت ايتلى كه ، سمو آعز دن موجب كف الفاظ صدور ايمه سون ؛ نته كيم بو مباحثه دينيه انساننده پيغمبران عظيم عليهم السلام حضراتيله وارثارى اولان علماء عاملين ، مشايخ واصلين وساير كبار اولياء الله حقارنده شان عاليله غير متناسب الفاظ تزييفيه وتحقيره استعمالى موجب كفر اولماسنه نظر آ اساس مسئله يه كيريشلديكى زمان بونقطه ده نظر دفته آلتامش ، والحاصل اسلاميتى مدافعه صددنده مسئله صرف محاكات عقليه ابتناء يوروتلسندن عظيم خطايه وارلشدر . اثبات مدعا يه كانجه : اوت ، بوكون عقل وفن رحم مادرده جنينك ظهورى حوييات منيهك مشيمه يه دخولنه وابسته اولديغنده متفق ايسده عجباً منيدهكى حوييات كنديله كندى خالق اولشدر ؟ صوكره او حويياتك مشيمه يه دخولنى متعاقب نقطه و علقه حالنده جنينك خلقتى كنديله كندى ؟ طبيعى منسوبيتيله مفتخر اولديغمز دين مبين احديسك شرف و علويتى تجيلاً شو نقطه ده ساپلانوب قالمقميزن در حال علوم نقليه دن كيريشرك استمذباله (الميك نطفه من منى يعنى ، ثم كان علقه فخلق فسوى... الخ) آيات بينانندن استدلالاً حوييات ايله او حويياتك درون مشيمه ده اولان نطفه ، صوكره علقه حالنده جنيته نحوالتى وجوده كتر من خالق اعظم ، بوسائط خلقتى خرق ايله خلاف عاده بر صورتده جبريل عليه السلامك برنجه سيله حضرت مريم دن پدرسز عيسى عليه السلامى دنياه كترديكنى ، سورة مريمده كى « واذكر فى الكتاب - مريم اذ انبذت من اهلها مكاناً شرقياً... الخ » آيات كريمه سيله ارانه ايتمشدر كه . قدرت فاطره الهيك نه كى خارقه لر

وجوده كترديكنى مذكور آيات شريفه تفسيرينه بالمراجعه كالارز . چونكه : قادر مطلق حضرت نرينك قدرت فاطره سبحانيه سنى كوز اوكنه كترديكمز وقت ، شان عظمت الوهيتى حقنده موافق عقل وحكمت اولان آثار خلقتنه مطلقيت اسناديله شوايشك مطلق بويه اولمى لازم كير ديه جكمز يرده ، افعالنده مختار اولوب عقلمرك احاطه سندن خارج نجه خارقه لر ايجادينه قادر اولدينى حالده قاون خلقت ايجابانى مراد الهيمى شو بولده جريان ايتمشدر ، ديك بزم ايجون اولى بالطريقدر . آنك ايجون تصورات عقليه مزجه هر ممكن اوليان شيك عند الهيجه ممكن اولماسى لازم كير . بالعكس لازم كاديكنى فرض ايتديكمز تقديرده حاشا صفت الوهيتله غير قابل تأليف اولان افعال الهيه يه عجز اسناد ايتمش اولورز كه ، هيچ وقت تجوز اولونه لاز . مثلاً : بوكون ترقيات حاضره فنييه تيماً و له رسان عقول نجه آلات فنييه ايجاد اولنيور ، موجودى ايسه ، فنده كى اختصاص ايله كندى عقل و زكا و درايى سايه سنده تميز ايتمش انسان بولنيور ، مادامكه عاجز بشر ، بوله بر اقتدارى حائر اوله رق بالتفرد ميدانه جيقبور ، ايله ايسه او انسانه ، عقل و زكا ، درايى و فطانتى احسان ايدن خالق ، عجباً كنديمى شوقدرنك فوقنده دهانجه خارقه لر ايجادينه قادر اوله مازمى ؟... البته قادر اولور .

ايشته ، حضرت مسيحك پدرسز دنياه گملى ، معجزات پيغمبرى كى دهانجه خارق العاده احوال ، بو هپ قبيلدندر .

كلم اصالت بحثنه ، جناب حق ، ايسته ديكى بر قولنى پيغمبرك شرفيله مشرف قيلمى حسييله مطلقاً او قولك اصيل بر فامليايه منسوب اولماسى لازم كير . حضرت ابراهيم عليه السلامك پدرى (آزر) ، نرود عليه السلامه نك تجى باشيسى ايدى ، بناء عليه آنك پت پرست اولمى مشار اليه ك پيغمبرلكنه خلال كترمدى .

كذلك بونك عكسى اولق اوزره حضرت نوح عليه السلامك اوغلى (كنعان) ، كفر عناديله ضالانده قالمش ايدى ، پيغمبر زاده لك آنى كفرندن قورناره مدى .

دها بونك كى جمعيت بشريه ايجنده منسوب اولدينى قومه بك چوق نافع خدمتدرده بولنه رق آرزوقت ظرفنده شهرت قز ايتمش نجه داهينر كمشدر كه بونرك ا كتريسى عايدى فقير بر فامليايه منسوب ايدلر ، نجه اصيل فاملياننده سيئات اخلاق ايله متصف ، هر درلو فنانقى ارتكابدن چكيمز ؛ جاهل ، دنيلر ظهور ايتمشدر . اصالت ارنى ، انسانيت خالق اولق مناسبتيله امام على كرم الله وجهه حضرت نرينك لسانندن صدور ايدن (شرف الانسان بالعلم والادب لابلال والنسب) كلام حكمت آميزى ، موضوع بحثه كوزل بر مثل تشكيل ايتمش اولور .

